



Dithswantsho tseo die ntsitswe mo "Missionsblatt". Sithtathiwe ngomhla ka 1. 3. 2015 kwa Salem mo letsatsing la go tsenngwa ga rre mobišopot Angried Maragelo.

Dikgang tse di Khutshwane - IziNdaba eziFingqiweyo

tsa Kereke ya Lutere- zekerike ngokobuLuthere

Motsheganong / May 2015 (Tswana)

Ka 3. 2. 2015 go ne go itsisiwe gore kajeno go simolotswe ngwaga wa go ruta ka 2015 mo seminareng se se bidiwang Lutheran Theological Seminary in Tshwane. Go setse go gorogile barutwa bangwe ba bašwa, ba babedi ba ba tswang mo tikologong ya kwa Bophirima (NW) ba sa ntse ba le mo tseleng. Le morutwa mongwe wa FELSiSA o rata go simolola mo seminareng.

Ka go rutelwa mo seminareng, gongwe ka go ithuta Lefoko la Modimo le maipolelo a Kereke ya Lutere go baakanya thero, gongwe go ruta mo sekolong sa go iphaakanyetsa go kolobediwa, gongwe go tihomamisiwa, a go gopolwe gore le mo seminareng, gongwe mo phuthegong ga re ikaelele gore re ithute fela, mme re gopole ka metlha, le fa re le barutwa ba seminare, gongwe re na le boemo mo phuthegong gore re tihometswe maikaelelo a go tlabanela badumedi, mmogo le diphuthego tsa badumedi

tlihabano ya gore ka borona re tlihomamisediwe mo tumelong ya pholoso le boammaaruri jwa lefoko la Modimo la boitshwarelo jwa maleo ka go dumela mo go Jesu Keresete, Morena Modimo, ka bopelotlhomogi. Ke gore re nne re ithute sešwa go baakanyediwa sentle go dira tiro ya tirelo ya kgolagano e ntšhwa e e seng Atirelo ya loso e e kwadilweng ka ditlhaka mo matlapeng@, mme e e leng tirelo ya Mowa e e nang le kgalalelo e e nnelang ruri, e le Atirelo ya thuano gore re kope ba ba re utlwang mo boemong jwa ga Keresete gore ba letlanngwe le Modimo.@ A go tlihotlhelediwe banna ba bašwa ba le bantsi ka mafoko ao gore ba ineele go ya mo seminareng go ipaakanyetsa tiro e ntle ya go nna modiredi wa lefoko la Efangele, le bomme ba tlihotlhelediwe ka mafoko ao gore ba ineele go ya mo seminareng go ipaakanyetsa tiro e ntle ya lorato mo diphutheong ya go nna Adeaconeces.@

Ka letsatsi la 1 March 2015 ga tsenngwa mo boemong **rre bišopo S. M. A. Maragelo** mo kerekeng e kgolo ya kwa Salem, gaufi le Mkhondo, a tsenngwa ke bišopo Dr. K. P. P. W. Weber, mmogo le moemedi wa biš. Victor Vilakazi, moruti yo mogolo wa kwa botlhabatsatsi, le baruti ba bagolo C. Mosenogi wa kwa Bophirima, le M. S. Danisa wa kwa Gauteng, le M. Thwala wa kwa Zulu-Natal, gore e nne bišopo wa Kereke ya Lutere mo Borwa jwa Afrika. Tiro ya dirwa fa pele ga phuthago e kgolo ya ba ba duleng mo diphuthagong tse dintsi tsa kereke ya rona go kopana mo boitumelong jwa letsati leo le lentle.

Moruti Dr. P. R. Ntsimane a tloga a tlhagisa mmaagwe le mohumagadi wa ga rre bišopo, le baruti ba kereke ya rona mmogo le bahumagadi ba bone ka go tshwaya maina a bone le kwa ba dirang teng.

Ya re biš. Maragelo a sena go tsenngwa, o ne a tsenya mor. yo mog. Mandla Thwala, moruti yo mogolo wa kwa Zulu Natal, gore e nne moemedi wa ga bišopo mo dinyageng tse bobabedi ba di tlhaoletsweng mo pitsong ya senoto sa kereke ka December kwa Wartburg, go ya go kgethwa gape.

Ya re biš. Maragelo le moemedi wa gagwe ba sena go tsenngwa biš. Maragelo a rera ka lefoko le le kwadilweng mo go Jer. 17:7-8, le le reng: AGo tshegofaditswe monna yo o ikanyang MORENA, yo o ikaegang ka MORENA fela! O tla tshwana le setlhare se se tlihomilweng fa metsing, se se namang medi fa nokeng, ga se boife, le go tla bolelo;

matlhare a sona a ntse a le matala. Le mo ngwageng wa komelelo ga se kitla se tshwenyega, le e seng go khutla go ungwa.@ A gatelela ka mafoko a le mantsi gore rotlhe re tlhodilwe ke Modimo o o nang le maikaelelo le rona. A God has a purpose with everyone of us.@ A tshwaya gore le Morwa Modimo o ne a rongwa mo lefatsheng ka maikaelelo, a tshegetsa boammaaruri jo ka lefoko le le kwadilweng mo go Joh. 3:16, le le reng: A Gonne Modimo o ratile lefatshe mo go kalo, mo o bileng wa le neela Morwaa-ona yo o tsetsweng a le esi, gore mongwe le mongwe yo o dumelang mo go ene a se ka a latlhega, mme a nne le botshelo jo bo sa khutleng.@ Ka go sala Morwa Modimo, Morena morago, ka go ikanya maikaelelo a Modimo wa rona a gore re ikaelele gore rotlhe le ba bangwe re pholosiwe, re ungwe maungo Ajaaka setlhare se se Atlhomilweng fa metsing se se namang medi fa nokeng@ Mafoko ao a re gopotsa le mafoko a Pesalome ya 1, a a reng: AO tshwana le setlhare se se tlhomilweng fa dinokaneng tsa metsi, se se ungwang leungo la sona mo motlheng wa sona, se matlhare a sona a sa swabeng, mme tsotlhe tse o di dirang o di swetsa ka lesego.@ Tota re eletsa gore rre bišopo wa rona a gopole maikaelelo a a ipofileng ka ona ka go ipolela gore o tla etelela kereke pele, le go disa ditikologo tse dikgolo le tsa diphuthego ka lefoko la Modimo ka go farologanya sentle molao le Efangele, ka fa Maipolelong a Kereke ya Lutere, le ka fa maikemisetsong a kereke ya rona. Le fa go ne go sa tshwayiwe jalo mo therong, a re gopoleng tse di kwadilweng mo maikemisetsong a kereke ya rona ka ga maikaelelo a tiro ya kereke ya rona a a reng: A Maikaelelo a ditiro tsa kereke a tlhomamisitswe ka taolo ya ga Jesu Keresete. Ka moo kereke e ineela go rera Efangele ya ga Jesu Keresete ka bophepa, le go abela disakaramente ka fa tlhomamisong ka fa Keresete a di tlhomileng ka teng. Tiro e mo pusong ya Modimo e lebagane le ditokololo tsotlhe tsa yona le botlhe ba ba iseng ba itse Morena Jesu Keresete. E bile kereke e tlhokomela gore ditokololo tsa yona ka go sala Keresete morago di thuse batho ba ba mo tlalelong, ba ba tlhokang thuso ya tsona, (fa go kgonega).@ A re gopoleng ka fa go kwadilweng ka teng ka ga maikaelelo a kereke ya bokeresete mo taelong ya ga Keresete mo go Mark. 16, Math. 28, Luka 24, Joh. 20, le mo Dit. 1, kwa go kwadilweng teng gore AYaang le lefatshe lotlhe, lo rerele lobopo lotlhe Efangele. Yo o dumelang, a ba a kolobediwa, o tla pholosiwa; yo o sa dumeleng ene o tla atlholwa.@ AYaang lo dire merafe yotlhe barutwa, lo ba kolobetse mo leineng la Rara le la Morwa le la Mowa o o Boitshepo, lo ba rute go tlhokomela tsotlhe tse ke di

lo laetseng.@ AA ba raya a re: >Go kwadilwe jalo, mme go ne go tshwanetse gore Keresete a boge, a be a tsoge mo baswing ka letsatsi la boraro, le gore go rerelwe merafe yotlhe boikwatlhao jo bo isang boitshwarelong jwa dibe ka leina la gagwe.@ AJesu a ba raya gape a re: >A kagiso e nne le lona! Ke a lo roma, jaaka Rara a nthomile.= Ya re a sena go bua jalo, a ba budulela, a ba raya a re: >Amogelang Mowa o o boitshepo! Ba lo ba itshwarelang dibe tsa bone ba di itshwaretse; mme ba lo ba balelang dibe tsa bone ba di baletswe.=@ Gape Jesu a re: ALo tla bona nonofo ya Mowa o o Boitshepo, motlhang o tlang mo go lona; lo tla nna basupi ba me mo Jerusalema le mo Jutea yotlhe, le mo Samaria, le go ya kwa bokhutlong jwa lefatshe.@ Fela jalo Morena o laetse gore go rerwe Efangele ya gagwe, go be go kolobediwe, go itshwarelwe maleo. Morena a tlhoma selalelo sa gagwe, a re: Ba abele mmele wa gagwe le madi a gagwe ka go dira jalo badumedi ba gopole loso lwa gagwe ka go amogela boitshwarelo jwa maleo ka go mo gopola. Ke gona ka moo kereke Ae tla laolela badiredi ba lefoko go ruta Efangele ya ga Jesu Keresete, ba abele disakaramente ka fa tathomamisong ya ga Keresete, e ba rute ka tlhoafalo e kgolo lefoko la Modimo le maipolelo a Kereke ya Lutere, jaaka maikemisetso a kereke ya rona a re: AKa moo kereke e tlhokomela gore diphuthago tsotlhe di rutiwe ka tlhoafalo Kategisima e nnye ya ga Luther; baefangedi botlhe ba itse, ba dumalane le Boipolelo jwa kwa Augsburg jo bo sa fetolwang, fa e le jona boipolelo jwa kereke ya bone; baruti botlhe ba ipofe mo dithutong tsa maipolelo a kereke ya Lutere ka maikano a ba ipofang ka ona mo letsatsing la tathomamiso ya bone.@ Le fa rre bišopo a ne a sa tshwaye maikaelelo ka fa a tshwayilweng mo maikemisetso a kereke, ka tloga kwa Salem ka go tlhotlhelediwa gore ke akanye gore go tla tsewedisiwa tiro ya kereke ya rona le mo diphuthagong tsa rona jang, fa botlhe ba tla boela mo magaeng go itlhotlhomisa ka fa mafokong a Kategisima e nne mmogo le dikokeletso tsa yona mo lokwalong lwa maipolelo (p. 471-503) gore baruti le bareri botlhe ba kgakolole mo ditherong tsa bone le mo dithutong tsa bone tse di tshwayilweng teng koo malebana le tse Modimo o ratang gore di dirwe, le ba phuthago ba gopole maikaelelo otlhe a go buiwang ka ona koo, le mo dikaelong tsotlhe tsa ga Keresete mo diefangeleng, le tsa baapostolo mo Testamenteng e ntšhwa. Ke re: Foo go tla tlhaga tsoseletso e ntle thata, rotlhe re tla hutsafala mo moweng ka go gopodiwa gore ga re a dirafatsa tse Modimo o ratang gore re di tlhokomele, mmme re se ka ra khutle mo boikwatlhaong jwa rona, mme re boele mo go Keresete gore re

itshwarelwe dibe, le fa e le mo boipobolong, le fa e le mo selalelong ka go ja mmele le madi a ga Keresete, go tsoselediwe tsosetso gore badiredi ba lefoko ba tshegediwe sentle, ditiro tsotlhe di ratege mo matlhong a Mopholosi wa rona, di dirwe ka boitumelo le ka tebogo.

Ga buiwa mafoko a go dumedisa bišopo ka go mo eleletsa tshegofatso ya Morena le ka go gatelela tsholofetso ya Morena, e e reng: A Morena wa kereke yo o simolotseng tiro ya kereke ya gagwe, o tla e dirafatsa le mo sebakeng se se tlang. Biš. Weber a eleletsa biš. Maragelo gore a kgone ka thuso ya Morena go dirafatsa tse a di solofeditseng ka maipofo a gagwe a go etelela Kereke ya Lutere mo Borwa jwa Afrika pele ka go tsweledisa sentle tsa lefoko la Modimo, le tsa maipolelo a kereke, le tsa maikemisetso a kereke. Biš. Dr. Dieter Reinstorf wa FELSiSA a tlhagisa tsholofelo ya kereke ya ga gabo gore go tla diragala gore go tsweledisiwe tiro ya go direlana le Kereke ya rona bogolo ka maikaelelo a go simolotseng ka ona mo sebakeng sa biš. Weber a gore dikereke tse pedi tseo di kopane ka go dumalana ka maikemisetso a le mangwe a kereke. Prof. Dr. John T. Pless a dumedisa mo boemong jwa kereke ya bona mo leineng la Mookamedi Dr. M. T. Harrison, le mo leineng la mookamedi wa tikologo ya moruti yo mogolo wa kwa SID, moruti Timothy Scharr, ka go tiisa gore ba kereke ya bone mmogo le seminare sa kwa Fort Wayne ba rata go direlana le kereke ya rona mo tirong e e siameng ya go isa Jesu Keresete mo go baditšhaba ka Efangele e e phepa le ka go abela disakaramente ka fa tlhomamisong ka fa Efangeleng; mor. Christoph Weber, mookamedi wa MLC, le moemedi wa LKM ka fa molaong wa lefatshe la rona a dumedisa mo boemong jwa biš. H. J. Voigt, DD. wa SELK, le jwa mookamedi wa LKM mor. Roger Zieger ka go tlhagisa tsholofelo ya gaore tirelano fa gare ga mišene le kereke e tla tswelela pele jaaka ga diragala mo dinyageng tsotlhe tse di fetileng mo sebakeng sa ga biš. Dr. G. Schulz, le sa ga Dr. D. P. Tswaedi, le sa ga Dr. K. P. P. W. Weber.

Tiro yotlhe ya letsatsi leo la dirwa mo tirelong ya selalelo sa Morena, boipobolo jwa tshwarwa ke mor. J. Mafereka wa kwa Bophirima, thulaganyo ya tirelo-Modimo ya tshwarwa ke moemedi yo mošwa wa ga bišopo mor. yo mog. Thwala. Morago ga tirelo-Modimo ga baakanyediwa botlhe ba ba neng ba tla mo moletlong oo dijo. A ba ba neng ba sa kgone go tla kwa Salem ka letsatsi leo ba ka bo ba tlile go itumela mmogo le phuthego e kgolo ka boitumelo jo bo bonetseng mo matlhong a ba ba neng ba le teng,

le ka tse di neng tsa utlwala ka difela, ka dikorose, ka ditumediso, ka dipolelo, ka diphala, ka difela tsa dikwayere. E ne e le boitumelo jwa kereke e e neng e tsentsa bišopo o mošswa mo tirong.

Ka 6. 4. 2015, ka letsatsi la 2 la moletlo wa go gopola tsogo ya Morena, molekwa Thomas Beneke o tlohamamiseditswe boruti ke biš. H. J. Voigt, DD, a thusiwa ke mor. R. Zieger, mookamedi wa LKM, le mor. H. Gevers kwa Leipzig. Ka Sejeremane go na le temana ya sefela e e reng: AModimo,, o rata thata batho ba e leng baleofi mo lefatsheng. Re a leboga gone o foloseditse lefoko la ona mo lefatsheng, le rerwe ke ba boemo ba ba le rerang le go abela disakaramente, jaaka go diragetse mo lefatsheng la rona gore re tlabologe, re dumele mo go Keresete.@

Ka 10. 5. 2015 mor. Beneke o tla tsenngwa ke moemedi ba biš. Dr. D. Reinstorf mor. R. Gevers gore e nne moruti wa phuthago ya EFLSiSA kwa Newcastle. Tiro ya gagwe e tshegediwa ke LKM,, le MLC. Go solofediwa gore le diphuthago tsa LCSA, bogolo tsa KwaZulu-Natal di tla tla go dira moletlo oo mmogo le phuthago ya kwa Newcastle.